



Broj: 02-11-6023/21
Sarajevo, 31-01-2022 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisija za nabavku roba, usluga i radova II imenovana rješenjem broj: 10-45-137-2/21 od 21.07.2021. godine, u daljem tekstu: Komisija, u postupku javne nabavke usluga kontinuiranog ispitivanja higijenske ispravnosti vode za piće sa 6 lokalnih rezervoara na području Općine Centar Sarajevo (Čavljak – Mrkovići; Stijena- Nahorevo; Muharemovići – Nahorevo; Kokorevac – Nahorevo; Brda – Nahorevo; Radava), putem konkurentskog zahtjeva za dostavu ponuda, uz primjenu e-aukcije, (Zapisnik o pregledu i ocjeni ponuda broj: 02-11-6023/21 od 22.11.2021.godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I. Prihvata se ponuda ponuđača „**EURO INSPEKT**“ d.o.o. Sarajevo, ul. Hamdije Kreševljakovića br.16, 71 000 Sarajevo, broj: 200/21 od 12.11.2021.godine, za dodjelu Ugovora za usluge kontinuiranog ispitivanja higijenske ispravnosti vode za piće sa 6 lokalnih rezervoara na području Općine Centar Sarajevo (Čavljak – Mrkovići; Stijena- Nahorevo; Muharemovići – Nahorevo; Kokorevac – Nahorevo; Brda – Nahorevo; Radava), putem konkurentskog zahtjeva za dostavu ponuda, uz primjenu e-aukcije, u ukupnom iznosu od **7.200,00 KM bez PDV-a, odnosno u iznosu od 8.424,00 KM sa PDV-om.**
- II. Izabrani ponuđač je dokaze iz tačke 1.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa. (originalne ili ovjerene kopije)
- III. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 dana, shodno članu 71. Zakona.
- IV. Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku usluga kontinuiranog ispitivanja higijenske ispravnosti vode za piće sa 6 lokalnih rezervoara na području Općine Centar Sarajevo (Čavljak – Mrkovići; Stijena- Nahorevo; Muharemovići – Nahorevo; Kokorevac – Nahorevo; Brda – Nahorevo; Radava), putem konkurentskog zahtjeva za dostavu ponuda, uz primjenu e-aukcije, pokrenut je Posebnom Odlukom Opštinskog načelnika o pokretanju postupka broj: 02-11-6023/21 od 08.11.2021.godine, broj Obavještenja na Portalu javnih nabavki: 848-7-2-180-3-144/21 od 09.11.2021.godine. Procijenjena vrijednost predmetne nabavke iznosi 7.260,00 KM bez PDV-a.

U određenom roku za predaju ponuda, 19.11.2021. godine do 11,00 sati, dostavljene su 2 (dvije) ponuda ponuđača: „EURO INSPEKT“ d.o.o. Sarajevo i JU ZAVOD ZA JAVNO ZDRAVSTVO KANTONA SARAJEVO.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

r/b	Ponuđač	Ukupna cijena ponude bez PDV-a	Popust	Ukupna cijena sa popustom i PDV-om
1.	„EURO INSPEKT“ d.o.o. Sarajevo	7.200,00	-	8.424,00
2.	JU ZAVOD ZA JAVNO ZDRAVSTVO KANTONA SARAJEVO	6.360,00	-	6.360,00

Nakon izvršenog otvaranja ponuda Komisija je pristupila detaljnoj analizi dokumentacije priložene uz ponude u smislu provjere njenih validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija je utvrdila da se Ponuda ponuđača JU ZAVOD ZA JAVNO ZDRAVSTVO KANTONA SARAJEVO, ul. Dr. Mustafe Pintola br.1/III, 71 210 Ilidža, odbacuje kao neprihvatljiva u skladu sa odredbom člana 68. stav (1) Zakona o javnim nabavkama jer nije ispunjen uslov iz tenderske dokumentacije, tačka 1.4. a) - Tehnička i profesionalna sposobnost – član 48.-51. Zakona, odnosno:

a)Uspješno iskustvo u realizaciji najmanje jednog ugovora u posljednje dvije godine, čiji je predmet usluga ispitivanja higijenske ispravnosti vode u rezervoarima, čiji su karakter i kompleksnost kao i predmetna nabavka u ukupnoj vrijednosti iznosili najmanje 6.000,00 KM sa PDV-om.

1.4.1. Ocjena tehničke i profesionalne sposobnosti dobavljača će se izvršiti na osnovu uslova iz člana 50. Zakona i tačke 1.4. TD i to:

a) Spisak ugovora koji su u vezi sa predmetnom nabavkom usluga ispitivanja higijenske ispravnosti vode u rezervoarima i sl. izvršenih u posljednje dvije godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine, koja sadrži najmanje jedan ugovor koji se odnosi na uslugu ispitivanja higijenske ispravnosti vode u rezervoarima i sl. čija minimalna vrijednost treba biti u iznosu od 6.000,00 KM sa PDV-om.

*Uz listu izvršenih ugovora ponuđač je dužan dostaviti minimalno jednu **potvrdu** koja je u vezi sa listom izvršenih usluga, a koju je izdala druga ugovorna strana, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.*

U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbjede;

Ponuđač JU ZAVOD ZA JAVNO ZDRAVSTVO KANTONA SARAJEVO je u ponudi dostavio Potvrdu br.: 03-19-7085/21 od 16.11.2021.godine, o urednom izvršavanju aktivnosti Ugovora br.: 02-11-1782/21 od dana 27.04.2021.godine, iz čega Komisija zaključuje da navodi potvrde sadrže kontradiktorne podatke da je ugovor realizovan u određenom periodu ali i da se i dalje izvršava, te ne sadrži jasne i precizne podatke o vrijednosti ugovora kao i o vremenu izvršenja istog. Iz dostavljenih podataka je vidljivo da je predmet realizacije ugovora još u toku, te Komisija smatra da ovu Potvrdu ne može prihvatiti.

Prema tački 1.4. a) tenderske dokumentacije ponuđači su trebali ispuniti gore navedeni uslov i dokazati uspješno iskustvo u realizaciji najmanje jednog ugovora u posljednje dvije godine, što ponuđač JU ZAVOD ZA JAVNO ZDRAVSTVO KANTONA SARAJEVO nije ispunio, te

samim tim se njegova ponuda odbacuje kao neprihvatljiva u skladu sa odredbom člana 68. stav (1) Zakona o javnim nabavkama.

Također, Komisija je uvidom utvrdila da dostavljena ponuda ponuđača „EURO INSPEKT“ d.o.o. Sarajevo ispunjava formalno pravne, ekonomske i tehničke uslove odnosno zahtjeve Ugovornog organa. Konstatovano je da je ponuda prihvatljiva.

Tenderskom dokumentacijom je predviđeno provođenje e-aukcije. S obzirom da je dostavljena samo jedna prihvatljiva ponuda postupak javne nabavke se okončava na osnovu člana 69. stav (1) tačka a) Zakona, bez provođenja e-aukcije u skladu sa odredbama člana 3. stav (3) Pravilnika o uslovima i načinu korištenja e-aukcije („Službeni glasnik BiH, broj 66/16).

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponuđača „**EURO INSPEKT**“ d.o.o. Sarajevo, ul. Hamdije Kreševljakovića br.16, **71 000 Sarajevo**, broj: 200/21 od 12.11.2021.godine, za dodjelu Ugovora za usluge kontinuiranog ispitivanja higijenske ispravnosti vode za piće sa 6 lokalnih rezervoara na području Općine Centar Sarajevo (Čavljak –Mrkovići; Stijena- Nahorevo; Muharemovići – Nahorevo; Kokorevac – Nahorevo; Brda – Nahorevo; Radava), putem konkurentskog zahtjeva za dostavu ponuda, uz primjenu e-aukcije, u ukupnom iznosu od **7.200,00 KM bez PDV-a**, odnosno u iznosu od **8.424,00 KM sa PDV-om**.

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
Broj: 02-11-6023/21 od 22.11.2021.godine

DOSTAVITI:

1. Ponuđačima:

– „EURO INSPEKT“ d.o.o. Sarajevo, ul. Hamdije Kreševljakovića br.16, 71 000 Sarajevo
– JU ZAVOD ZA JAVNO ZDRAVSTVO KANTONA SARAJEVO, ul. Dr. Mustafe Pintola br.1/III, 71 210 Ilidža

2. Službi za javne nabavke, zajedničke poslove i informatiku

3. Službi za finansije

4. Službi za investicije, komunalni razvoj i planiranje

5. Arhivi



OPŠTINSKI NAČELNIK

XXXXXXXXXXXXXXXXXXXX
Srdan Mandić